

Cuira, 17-08-2012

Communicaziun a las medias

Corin Curschellas & "suisse miniature"

Musica che viagia tras las valladas

Dals 23 d'avust fin il 1. da settember 2012 è Corin Curschellas, la chantadura e musicista grischuna, en viadi tras il Grischun cun "suisse miniature". En la valisch ha la band pachetà chanzuns gualsras, chanzuns popularas rumantschas e canzoni dal Grischun talian.

"suisse miniature" dechanta la convivenza tranter las linguas dal Grischun, sias culturas, sia istorgia e ses raquints. Las trais organisaziuns grischunas per lingua e cultura Walservereinigung Graubünden, Pro Grigioni Italiano e Lia Rumantscha furman cuminaivlamain il patrunadi dal project. Ellas sustegnan quel en furma ideala, finanziaria ed organisatorica.

L'ensemble consista da la gruppa Pflanzplätz, cun Simon Dettwiler (orgelet da maun da Sviz), Thomas Aeschbacher (orgelet da maun da Sviz, cajón, gitarra), Jürg Nietlispach (cuntrabass, gitarra, trümpi) sco er ils musicists da la furmaziun La Grischa: Patricia Draeger (accordeon), Albin Brun (saxofon, duduk, orgelet da maun da Sviz), Claudio Strebel (cuntrabass) ed Andreas Gabriel (violina). Intginas chanzuns èn vegnidas creadas da nov "tenor l'ureglia" durant far musica, autras èn vegnidas arranschadas da nov dals musicists innovativs da la musica populara svizra. Durant mintga concert vegn raquintada ina ditga da la regiun respectiva en il dialect u l'idiom local. Las raquintadras ed ils raquintaders èn Roman Weishaupt a Glion, Linard Nicolay a Zuoz, Antonio Godenzi a Poschiavo ed Elisabeth Mani-Heldstab a Tavau.

L'ensemble cumenza ses viadi a Glion, fa silsuenter in'excursiun en la Tonhalle a Turitg a la "Stubete am See", viagia puspè enavos fin a Zuoz, va vinavant a Poschiavo e terminescha la finala sia tura sin la Schatzalp a Tavau. El viagia d'in concert a l'auter cun la Viafier retica. Dentant betg forsa per sa recrear, sco quai ch'ins pudess crair. Las musicistas ed ils musicists na sesan betg quietamain durant il viadi, il cuntrari: sin ils tschancuns tranter ils lieus da concert transfurman els ils vaguns da la Viafier retica en salas da concert mobilas e laschan resunar lur musica tras las valladas.

23-08-2012, 20.15, Cinema sil Plaz, Glion, prepremiera

26-08-2012, 13.00, Tonhalle, Turitg, premiera da Stubete am See

30-08-2012, 20.00, Zuoz Globe, Zuoz

31-08-2012, 20.15, Rio, Poschiavo

01-09-2012, 20.15, Hotel Schatzalp, Tavau

Infurmaziuns concerts mobilis: www.rhb.ch/news

pre vendita a partir dals 16-8-2012, 12.00:

www.klicket.net/go/suisseminiature

pre vendita regiunala:

Glion Cinema Sil Plaz, Via Centrala 2, Caum Postal 10 / 081 544 56 59

Zuoz Tourist Information, Staziun / 081 854 15 10

Poschiavo Ente Turistico Valposchiavo / 081 844 05 71

Davos Destination Davos Klosters, Talstrasse 41 / 081 415 21 21

La cassa da la saira è averta in'ura avant la represchentaziun.

Entrada: 25.- / 30.-

Hotel Schatzalp Tavau opziunalmain cun tschaina 75.- / 80.-